

元亨釋書

十五

元亨釋書

特別

ハ4

5587

10





元亨釋書卷第十七

願雜十之二

王臣二

聖武皇帝

寬平皇帝

蘓稻目

司馬達等

尚書右丞和具綱

濟北沙門

師鍊

撰

遠壽院



貞觀皇帝

寬和皇帝

蘓馬子

大織冠鎌足

右僕射藤良相



讚州刺史高公輔

及谷人

羽林次將藤義孝

殿中監高良臣

黃門侍郎源顯基

將軍平維茂

別駕射親元

中散大夫橘守輔

房州刺史源親元

尚書右丞平時範

左僕射源俊房

筭博士善爲康

吏部侍郎藤敦光

諫議大夫平實親

羽林中郎源雅通

越中太守藤仲遠

越後太守紀躬高

副元帥平時賴

士庶三

藥延

感世

尋寂

還俗人

乘蓮

推高

藤井久任

野敦末

秦武元

願西

源傳

清信俊

江親通

西音

壬良門

修覺



修多羅曰富貴學道難士大夫猶病諸況王  
公乎我國家聖君賢臣相次間出皆能欽歎  
我法予博見印度支那之諸籍未有此方之  
醇淑也何者神世一百七十九萬二千四百  
七十余歲人皇二千年一刹利種系聯禪讓  
未嘗移革相胤亦然閭閻界裏豈有如是至  
治之域乎以故佛乘繁茂率土和洽君臣崇  
奉歲曆綿邈亦我真宗之助化與予取居世  
相而契實相者作王臣篇

聖武皇帝者文武之太子也養老八年二月  
即位饗國二十五年流王澤崇佛乘異域聖  
賢鄉風來應所謂西域菩提佛拓東震道璿  
鑒真也本朝英傑亦多還省行基良辨道慈  
泰澄等也又創東大寺改大官寺凡百勝業  
見資治表天平二十一年就行基法師受菩  
薩戒七月二日禪位太子年五十出家修道  
法諱勝備天平勝寶八年五月二日崩聖壽  
五十八



○貞觀皇帝者仁壽第四子也。天安二年十一月即位。饗國十九年。海內安寧。貞觀十八年十一月遜位太子。幸水尾山寺。營佛宇。當窠陵。帝風儀端嚴。邈如神仙。好經史。耽釋典。鷹犬玩好。弃而不御。嘗以真雅宗譽爲法友。出宮之後。在清和院。御膳只菜蔬而已。屢幸名藍勝地。所謂山刈貞觀寺。和州東大寺。香山神野。攝州勝尾寺。凡畿甸靈區。巡幸殆遍。或留止。重日。狹旬。自海印寺還。水尾。或兩三日。

一齋六時苦修。一心禪念。元慶四年十二月四日崩。圓覺寺聖壽三十一。隣大漸。敕侍僧誦金輪陀羅尼。向西跏趺定印。此夜地動五六震。宸儀不傾。儼如如在。遺詔不建山陵。茶毗中野。

創仁和寺

○寬平皇帝者仁和第七子也。仁和三年十一月即位。享國十年。寬平九年七月遜位太子。帝幼。不御腥羶。志慕三寶。非歲上睿山游觀。耽樂僧儀。而忘歸常。遊歷諸寺。歲十七。白母。



后求出家后曰汝志可貴也然大屋寺有應  
俊法師者精修之士也汝先事彼出家未晚  
耳又以前志自仁和帝帝曰善哉善哉墮三  
寶數且見世相漸成梵儀時仁和在諸藩後  
數月登寶位難犯天威不暇復奏踰三歲繼  
帝祚咨天曆數不容逃乎昌泰二年十月十  
四日從益信法師出家法諱空理即奉書辭  
太上天皇尊號昌泰帝懇授遜讓益固不得  
已而隨之十一月受戒於東大寺延喜元年

十二月於東寺受灌頂于益信營御室於仁  
和寺側精修禪宴四年三月建圓堂安置金  
剛界會三摩耶形即立誓曰昔為人君萬姓  
作惡皆歸我今成佛子一身修善普利他又  
幸香山謂增命法師曰昔少年登臨此山志  
求出家中間萬機瞬息十祀今果本志不任  
喜幸願從師受菩薩大戒及瑜伽深旨便亦  
教作御室於千光院五年四月十四日於睿  
山戒壇院受大戒於命時壇上現紫金光七



月辭封戶昌泰帝手詔不許十年九月就命  
受灌頂阿闍梨位上聞上皇灌頂事詔羽林  
次將藤原授命以法眼和尚位上皇手擎  
冊文付命及數珠香爐磨衲等自爾屢啓密  
席稟灌頂者多承平元年七月十九日崩睿  
筭六十五

寬和皇帝者安和之長子也永觀二年十月  
十日即位寬和二年六月二十二日夜排貞  
觀殿玉闥自躍下地潛出宮扈從二人供奉

沙門嚴久侍中藤道兼也雖嬪嬙不知也路  
過安晴明宅安氏適避暑經行庭下忽仰見  
大驚曰天象呈變天子避位何其怪哉帝聞  
斯言笑而走安氏便入宮奏事帝不在焉帝  
如花山寺薙髮法諱入覺睿筭一十九初帝  
亡弘徽殿妃自此厭世相故當妙齡脫徒金  
輪寶位又不受太上皇尊號偏奉僧儀修密  
法王畿靈區多所游歷又入紐州郡智山不  
出三歲其勵苦精修苦行之者皆取法一日



神龍降獻如意珠一顆水精念珠一串海貝一枚帝置寶珠於崑屋念珠於千手院以爲地鎮苦行上首傳持秘授至如今其海貝九穴沉瀧下俗曰食九穴貝者長年不老蓋帝令飲瀧水者得延齡也承保帝聞貝事召弄潮者入瀧底搜看潮人出波奏曰貝猶在徑三尺許自帝修練此地苦行者六十人至今不絕回都在花山寺關密學受灌頂者多矣寬弘五年二月八日崩聖壽四十一

信向東京百濟國救逆金像事

稻目  
子也

○稻目者欽明帝之宰臣也十三年十月百濟國貢獻釋迦金像群臣沮之稻目奏曰西藩諸國皆悉信嚮若佛不祥彼豈備貢已爲附庸何懷欺罔帝以像賜之稻目乃捨向原宅爲寺安佛像加崇敬  
蘇馬子者稻目之子也與厩戶皇子戮力興佛事敏達十三年九月百濟麻深臣有彌勒石像馬子乞之於宅東營毀安之請慧便法師師事之推古二十二年病八月上宮太子



勸出家拜太子受具戒而薨

○司馬達等南梁人繼體十六年來朝于時此方未有佛法達等於和州高市坂田原結草堂奉佛世未知佛號曰異域神屬馬子鄉佛乘達等翼贊之敏達十三年馬子供石彌勒像設齋會達等預焉忽於齋飯上得佛舍利乃獻馬子馬子以鐵砧錘試之砧錘共陷舍利不壞又投水不沉馬子依茲益固信敬達等之子作比丘名德祿女爲比丘尼名善信

時人指家族爲佛種

○大織冠鎌足和州高市郡人其先天兄屋根命之襲也世掌天地之祭祀在胎聲聞外孕十二月而誕性仁孝博學玄鑒風姿挺特本姓大中臣賜藤氏柄宰權奉佛法天智八年十月十六日薨先數日剃除鬚髮臨薨帝賜純金香爐曰已聞出家可持法具卿執此爐從天仙後昇兜率天到慈氏前證真如法敕公卿百辟皆赴喪自古宰輔之遇未有如是



之盛矣

與兄廣世歸佛宗

大中大夫尚書右丞和真綱者戶部尚書清之第五子也性敦厚忠孝少游太學頗讀群書與兄廣世歸佛乘好聽講論承和十三年謝事隱屏專勤淨業年六十四無病而薨贊曰昔者智者之偈台教也徐陵和之而顯如矣荆溪之記教觀也梁肅述之而爛然奚真綱遊魯阜而精教乘豈徐梁之流亞與延曆弘仁之間台密傳此方煽行官闕者真綱

及兄廣世之力也二公者其駕願力而來者乎

受灌頂于智證大師

古三系右大臣

右僕射藤原良相者太師冬嗣第五子皇太后及太師忠仁公同母弟也童稚有遠識弱冠游太學承和元年擢陪侍承衡二年遷右僕射貞觀六年受灌頂于智證大師年四十一配河氏爾後無娶性慈仁輕財重法耽竺典究密教勸學院南建延命院收養藤氏無家產者東京別業置崇親院保育族女寡寡者



二字割封戶納莊田常延文學士惠寒苦人  
其年十月初於直廬得疾十日告諸子曰今  
官中官輔人高也於十月十五日也  
日者與福業維摩會也我以此日取死豈非  
因緣乎諸子聞已更咽乃向西結彌陀根本  
印奄爾薨年五十五願命薄葬棺覆單衾  
贊曰初予讀范文正公義甲記以為獨恣美  
於千古無對也今見藤公題命崇親二字恨  
知之晚矣況先於范乎哉豈仁人之舉不期  
而自合與范又有匹矣蓋二公自吾法之中

而得也

還俗人

許州刺史高平輔幼藉族於慈覺之室法名  
法慶有義學名然儀戒檢反俗仕到于侯牧  
俗號高大夫平時都城多怪救太史卜奏曰  
王城東南古寺佛像亂階故有此怪官使物  
色東山安祥寺大殿安兩界諸真歲久頽斜  
遂辨詔公輔整理公輔向寺入殿坐一席以  
白杖指揮曰某像移某處諸像自起隨杖居  
各位無少錯悞羣下嘆稱感之不夫



○羽林次將藤義孝者太師謙德公第四子也  
朝事隙誦法華永記腥葷天延二年秋染病  
誦方便品而夢異香佛室亞相騰高遠平居  
友善義孝平不競願在宮中與義孝娛遊義  
孝咲一聯曰昔約遊萊宮裏月今居柳繡界  
巾花高遠覺後哀嘆

○殿中監高良臣少應進士舉才名冠時中年  
歸佛乘讀法華念彌陀天元三年嬰沉痾七  
月初三其疾自瘳乃剃頭受戒五日跏坐合

掌唱佛而薨香氣滿室空中有天樂之響殯  
者猶熾數日身不壞儼然如生

○黃門侍郎源賴基者亞相倭賢之子也兒稚  
好學荏弱志荒志荒苑寬仁上皇升遐顯  
基未過卒哭而出家愛族留不往上春山首  
楞嚴院事延禪法師後入大原山閱經論助  
修練脫患疽良醫乞治荅曰我聞萬病之中  
心不亂而赴寂者唯癰而已我適患之何其  
幸哉謝醫念佛安祥而薨

晚



贊曰視死而如歸者吾黨之人尚鮮矣況塵  
中乎源公發背為妻平居所養見於此賢也  
乎哉

鎮守府將軍平維茂者前將軍貞盛之姪也  
以有舅材養為子字之曰餘五數策戰勳爵  
至將軍故俗呼曰餘五將軍被堅執銳而迴  
於佛乘以故精確嘗謁慧心院源信聞止觀  
圓妙之旨秉承往生之要我約曰我殆千億  
然願得來勸至老病革遣使於信責約信會

有事不赴以安養迎持周付使曰汝只言將  
軍對此像修攝身心信亦往不可加也使  
者復命將軍得圖而喜便合掌對像奉爾逝  
年八十

越州別駕射水親光身嬰國勢心鄉佛乘休  
退之暇修法華會寫大般若經六齋十齋必  
事勤修康平之年春初罹疾謂曰我雖重病  
席念佛六萬聲未嘗缺只願二月半同世集  
取滅至二月既望扶兒孫沐浴著新衣十五



日朝謂家人曰今日死期多時所望也至午時令人念佛又自唱日之昧或思勞困勸漿粥解曰我頃者以此日或持齋或絕食何于今破齋戒乎遂不受寂爾而逝

○中散大夫括守輔京兆人年向八十人未見其歸三寶晚刺豫州永長元年六月二十四日退衙之晚身無病向西唱彌陀瑞房而逝奇香異樂瑞應甚多或怪之問其妻曰太守生平無所修然臨終言作殆無此也不知日

來密行何如妻曰如君言頃年未有修善只每日晚暮不言淨穢洗手漱口向西讀一紙書讀已恭敬作是事十數年未嘗缺具問者曰採來其紙妻披紙發願疏也曰弟子某敬白三世諸佛十方聖眾弟子自強仕始口唱彌陀心歸法華不論淨穢只整衣服洗手向西合掌唱彌陀寶號稱法華題名若臨命終時病病失心不能念佛以此勝業當彼資糧又誦法華毒量品偈十反此等微善自今



以往雖多願永無缺願以此功德普及於一切我等與衆生往生安樂國年月日弟子某發願敬白衆見之無不嗟伏

房州刺史源親光家世武臣英父帝潛藩時備警衛爲金吾移廷尉司獄而行陰德苦杖減數刑詩緩法年過四十發佛事於洛東作一宇安彌陀像華麗耀煜俗號光堂嘉保三年中房州以俸餘建精舍又勸吏民官務之暇唱念佛淨信之者過犯法逢勘鞠必弛其

刑以故州民多歸佛乘秩滿迴京庶民遮路泣留如爾父母不久洛徑往園城寺薙髮長治二年十一月七日頭北面西右脅而逝年六十八家人不知屋上有祥雲驚而入見合掌之手不解顏色如生

通議大夫尚書右丞平時範者眉州刺史定家之子也天仁元年冬辭歸塋入佛家法号定慧來問者皆曰未至耳順致仕何速乎荅曰我昔心中立約年五十六必割世網今行



年五十五。羸病存。復何必待來歲。故爾。目次年正月。謂人曰。仲春我去。至二月五日。修彌陀護摩法華懺。又圖黃金色不動尊像。十日病革。扶起念彌陀。猝然薨。年五十六。

○儀同三司。龍僕射。源俊房者。後中書主之嫡孫也。明政事。善文學。又有臨池之妙。朝事暇。務佛學。近窺營佛宇。安彌陀像。爲持念之證。保安二年。挂冠。三年二月。潛剃鬚髮。自號寂俊。乃上台嶺。受戒。十一月。染小惱。令人要雲。

居寺。瞻西。西至。共念佛號。又執筆書華嚴經題名。已奄然薨。年八十七。時堂上三間。祥靄充塞。加州刺史高僧業出庭。見屋上雲中白光再現。

○筭學博士。善爲原者。越之中州射水郡人。治曆二年。年十八。入洛。即事筭博士。善爲長所業。外肄進士明經。三科。寬治帝以其精筭術。抽爲博士。遂至朝議大夫。少年愛佛教。能持如意輪大咒。承德元年以來。每日誦金剛般。



若經三卷乃著驗記一篇康和元年以來絕  
色欲修念佛亦著拾遺往生傳永久四年以  
來每日誦般若心經三百卷為臨亡除魔障  
資保安元年以來永絕肉味大治三年秋書  
如法法華經爾來禁酒凡日課金剛心經如  
上并彌陀經九卷如意輪大咒一千反念佛  
一萬反終身不缺及諸禁無弛保延五年六  
月病謂左右曰仲秋是我臨焉之期也于時  
猶子行康問曰出家持戒淨土之勝業乎對

曰爾也有之堅信而已念佛功成不必出家  
十郎十生百郎百生八月四日後夜手擎願  
文向西而卒年九十一後三日身體尚暖異  
香郁然

本朝一僧式部大夫四位為極

一日謂曰煇王曰我為大臣而因出家得道也

吏部侍郎藤敏光者世稱大儒平生製作詩  
文盈二十篋笥佳句多在人口天仁帝召為  
侍讀天養元年四月依病剃髮謂子弟曰吏  
部侍郎通議大夫我亦足矣一日謂曰煇王  
召我為文臣而因出家得道也十月二十八



二 日延沙門受戒結定印唱弥陀而薨年八十  
諫議大夫尚書右丞平實親才名文學顯著  
千時性慈仁常以飲食施獄囚於園城寺建  
一字給隻膈供文白河營精舍往來禮懺暮  
年除鬚髮持戒精修安二年二月薨移時  
蘇息語其子曰我雖生兜率非素志也不往  
安養頗背夙望爲我修善早薦超昇言已長  
往

羽林中郎將源雅通性好畋獵動隨鷹犬而  
直心純至誦法華提婆品日十二遍常以淨  
心信敬不生疑惑者不墮地獄餓鬼畜生乃  
至在於佛前蓮花化生之句爲口實臨終時  
乃誦提婆品至此句而卒時有比丘與雅通  
善夢五色雲覆源宅妓樂列空光明熒雲異  
香薰烈奇葩紛紛其雲指西而去夢寤思忖  
中即恐死乎平且往問家人曰今夜已往比  
丘夢覺合家哀慕其妻素聞其夜有夢與比



丘同都下盛傳時京兆尹藤道雅不信此事  
曰中郎生平由獵漁捕安得安養邪中郎若  
生極樂未往生人當好殺生尹適詣六波羅  
密寺聽講講遲頗廡下有二老尼相語一曰  
身貧年老難作善根浪度此生恐入三途熟  
思身後祈求三寶昨夜夢一老僧告曰汝真  
愁也純誠直意取生安養有相衆善不必爲  
要豈不聞乎中郎雅通以直心生極樂平居  
修善只法華一小品耳尹側聞屋語頓解疑

謗

○越中太守藤仲遠天性慈順雖在仕官常志  
山林車中馬上口唱經咒其日課法華經般  
若理趣分普賢十願尊勝隨求彌陀大咒等  
未有缺也一生之間讀法華萬餘部聽法華  
講千餘座造佛像萬經典不可勝記臨終時  
天樂天香充塞室合掌曰我今生現學言  
已而逝

越後州刺史紀躬高粹佛事以俸餘買法華



千部初州之三嶋郡乙寺有比丘持法華二  
日雙猿來庭樹終日聞經朝來暮去凡百餘  
日未嘗闕比丘近猿邊曰汝常常來不急又  
可恠憐也汝欲讀誦乎我爲汝切誦猿振頭  
不受比丘曰欲書寫乎猿聞此言垂淚下樹  
頂禮而去五六日後百餘猿皆負紙來比丘  
見之諸樹柔薄皮蓋爲寫經紙也比丘生希  
有心取木皮書妙法華經二猿採諸果蔬供  
比丘日日如是書到第五卷一日二猿不來

比丘以爲獼猴亦倦供給也次日又不見比  
丘謂二猿雖畜又甚謹慤豈廢二日哉恐有  
夭邪乃出寺巡見山林去寺一里深谷之間  
二猿傍置山藥數枚入頭於穴中而死比丘  
悲泣哀愍收其二屍讀經而埋之以其木皮  
經雕柱藏之後四十余歲躬高領此州太守  
下車不問民事夫婦偕向乙某問僧此寺有  
未書終之妙經王耶諸僧皆曰無時有老僧  
年八十餘語太守曰昔二猿倩予寫經恐是



與躬高大悅曰然二猿者我夫婦也依聞師  
經發菩提心仍請師寫經我等爲供師鑿硯  
確力盡而殞經主力故今得冠帶身思師在  
世受任此別願畢書寫令滿夙志是非小緣  
照我懇誠老比丘聞守語流淚而許四座潛  
然乃破柱出經躬高并婦鳴咽頂戴老比丘  
竟書功

贊曰宋張文定公方平前身為書楞伽僧未  
然而亡方平任滁州遊僧寺自梁間取經書

三種神器

補嗚呼文定前身比丘也能記先事雖可怪  
而又不可怪也躬高前身獼猴尚能記焉是  
可怪耳台教曰名字觀行隔生即忘猿豈過  
之耶經王之功勲不可測乎

副元帥平時賴者家世將種初右將軍源賴  
朝文治之間領天下兵馬之權時賴之祖爲  
其元佐而歸姻媼爾來世主兵權皇考王父  
皆居副帥之任累代奉備至時賴益勤實治  
之始隆蘭溪遊化本朝時賴始見加禮乃創



自福山奉化開山祖。反應元年。寧石菴入  
相陽迎請。師建長寺。便懷香。參禮進前。曰。弟  
子在大宋曾禮拜和尚。今者多幸。再并慈顏。  
寧見其語異。師握起。奉曰。吾雖老。奉頭硬。狂  
進曰。弟子兩年前夢一僧教曰。參禪。惺後。圓  
所夢像。供養。今見尊儀。與像無異。寧曰。且莫  
說夢。又問和尚年多少。寧曰。六十三。進曰。弟  
子不問這箇年。寧豎拳曰。其是這箇年。麼時  
賴擬議。寧乃袒三拳。時賴忻然曰。蒙和尚老

秦誓喜無量。寧曰。不得作奉頭。曾從茲公務  
之暇。為法喜之遊。弘長二年十月入山。啓曰。  
弟子近日見得。非斷非常底。寧曰。參禪只圖  
見性。若得見性了。自當時賴曰。和尚方便。  
指示。寧曰。天下無二道。聖人無兩心。若識得  
聖人之心。即是自己本源。自性。乃指面前蠟  
燭。巧喻妙說。良久曰。見麼。時賴曰。森羅萬像。  
山河大地。與自己無二。無別。寧曰。青青翠竹。  
盡是真如。鬱鬱黃花。無非般若。時賴言下忽



然契悟通身汗流便曰弟子二十一年旦暮  
望之今一時已滿起禮九拜寧於佛前燒  
香與之印可將法衣一頂付之曰公不易到  
箇田地宜善護持為說偈曰我無佛法一字  
說子亦無心無所得無說無得無心中釋迦  
親見燃燈佛又以五偈贈之并賴亦出夢像  
與寧寧書讚其上并付其後雖不完梵相莊  
嚴齋居法辦道崇又國俗也弘長三年十一  
月二十二日書偈而逝其福山起願文曰我

子孫能奉佛心宗系流慈恩家門與禪門  
為盛衰云

贊曰宗門入此土七十餘歲主裁未徧早播  
東夏建長之間平帥握閭外之威權蘊閭外  
之體裁故能與名師酬酢警脫造詣昔者齊  
桓晉文藩王室而不全李并錢微奉祖道而  
不與兼二美而全者其唯平帥與

論曰或言子謂此土為大乘之國且從之而  
又言閭浮界至治域恐亦有黨乎余曰雖哉



子之問乎是余之公言之秋也君子之言豈苟哉若涉阿黨為經世乎若又不經不如此矣夫物之自然也天下皆貴之其造作也世未重之矣吾讀國史邦家之基根於自然也支那之諸國未嘗有矣所以是吾稱吾國也其所謂自然者三神器也三器者神鏡也神劍也神璽也此三皆出自自然天成也初天照太神在天宮也召其孫瓊杵尊曰葦原中國者吾孫胤統御之地也寶祚之隆當與天壤

無窮即以八咫鏡八坂瓊草薙劍授之及天兒屋根命等五神為陪從告曰咨爾從三器五神降下土照臨斯民今爾離索故付此鏡此鏡是吾照面之具也我面常在中焉咨爾持此鏡常面我也未嘗須臾離矣今我付汝汝其置斯鏡汝居焉斯鏡又能鑑汝國祚其劍之與瓊杵然汝其往矣慎之哉以是言之我國雖東方海極之域其統御之靈也與天地之開闢同兆乎不然三般神器何出於



刻之先而降於天乎是我國運之自然者也  
彼文那者葱嶺之東數十之邦咸取法度推  
稱中國又言文物國然五帝之世猶無傳曰  
之信器況三皇乎又沉寢古乎至夏始鑄  
九鼎立為國器周相傳遷移寶之乃秦李  
周鼎沒泗水故始皇刻下璧以為國重漢又  
以高祖斬白蛇劍為傳國寶南來劍重為二  
國器魏晉以來至趙宋承傳之且故唐李由  
詩曰一朝讓寶位劍重傳無窮彼文那號大

邦者雖土地曠遠而受命之符皆人工也非  
天造也我國雖小開基之神也傳器之靈也  
不可同日而語矣又劍重之事兩朝不相待  
而偶合者何寧天子之運彼此相同乎然文  
那雖傳劍重更十數姓者豈其寶器所以為  
人工乎我國一種系連綿邈無窮者天造自  
然之器之所致乎因是而言雖千萬世後不  
有擾奪之虞矣豈其天造神器者他氏異胃  
之所玩弄乎又文那之三皇五帝三代若我



鷓鴣草ヒヨドリバナ一神之季也視天ニ神皇古遠不  
可爲比也昌哉我國皇祖五十餘世年曆二  
百萬載一種遞代四夷無擾其間或有戎羯  
之覬闚皆盡糜爛於西鄙無乃近帝幾乎夫  
有國以來不嬰蠻夷之攘奪者末有如吾國  
之純全矣余閱大藏奈女耆域經曰摩竭陀  
國頻婆娑羅王承制遠夷而遠耆域故有八  
千里疾象之事如來在世尚如斯況滅後乎  
辨王藏在印度有戒日王者而非刹利種只

是雄武信賢之主也其餘借恭見西方諸  
籍大竺者闡浮之本邦也猶有此等異亂況  
諸夷乎又見虞夏之書尚書周之詩有獫狁獯  
豳之厄自漢以降尤其矣吾今粗舉歷代之  
夷虞春秋之時趙簡子起長城備胡七國之  
世燕秦亦築長城至始皇益遠漢高帝之威  
武也尚受平城之艱故婁敬建和議歲輸美  
女金帛猶諸侯稅天子賈誼疏曰匈奴侵掠  
歲致金綵宋瑤書曰高祖窘平城之圍太宗



屈供奉之耻魏晉之間羌狄蹂躪不堪言也  
楊隋一統南北然北虜轉輸過於南魏莫李  
唐武德九年北狄名也利自將十萬騎進至渭水  
公等六騎隨水語斬白馬與盟便橋上故  
本宋或祚大將名靖取逆虜太宗曰足深我渭水  
之耻矣代宗朝吐蕃陷京師唐書宋厭傳曰  
漢至昭宣猶蒙奉春之過傾府藏給西北歲  
二億七十萬皇室淑女嬪於宮盧掖庭良人  
降於沙漠夫貢子女方物臣妾之職也中國

異蠻夷者有父子男女之別也婉治之容毀  
節異類垢辱甚矣漢之君臣莫之耻也魏晉  
羌狄居塞垣資奉踰昔百人之酋千口之長  
賜金印紫綬食王侯之俸牧馬之童棄羊之  
隸齊髦邀利者相錯於路未轉之利絲帛  
所生散於數萬里之外胡夷歲騎華夏凡歲  
病則受養豐則內攻中國為羌胡服役且千  
載可不悲哉迄五代石晉出帝為耶律德光  
所禽后妃親戚多被係累趙宋時益邁前代



靖康之役二帝附虜讀其史者含淚而不終  
卷南渡之後割地服事漸至德祐覆滅無遺  
我見竺支之事如我國之渾厚者未有之矣  
是區域之靈勝得宗之聖武而亦吾佛乘之  
資輔也我言至治之域者其不然乎

### 士庶三

周分四民而布王化我國家主澤流行民無  
事矣不急所業崇奉佛法今撰甚尤者作士  
庶篇

四民同公日  
周礼分民  
農工士

○沙彌藥延美州人家在路傍適無動寺一比  
丘遊方宿此舍見延中夜沐浴淨衣入屋後  
齋室初修懺後誦法華至天明終一部語比  
丘曰沙彌藥延有緣放逸而以誦法華爲業  
生平勤修如今夜又未自閑也某年月日必  
生安養師適至此不然無緣願至期見我所  
爲比丘歸報山鎮水延約不生堅信思謂其  
人絆塵累豈如言乎以故又忘期之年月之  
夕紫雲霞房上雲中有聲曰沙彌藥延今往



安養先歲之言。不信。比丘悔謝。禮雲。中此  
事承平之年也。

工佛師

工成世者。以造佛像。為法餘暇。讀法華。或一  
兩卷。或一二品。多少隨工之隙。又誦普門品  
三十三遍。為日課。波州桑田郡有字治宮成  
命。世刻觀自在像。已而成宮成厚。償其價。世  
受錢帛。路浴城宮成。忽念而言。我與工償者  
多。不如殺於路。奪之。他人亦不可知也。則追  
及大江山。殺世。奪財而歸。宮成後。拜新像。房

上割切。從其齋血。流髮地。宮成怪怖。曰。我軌  
工像。何有之耶。便使使者馳郡。見世。世無恙  
使者復命。宮成驚恍。而急詣工家。返奪財。備  
言。所以出。曰。我於大江山。逢賊被掠。財潛逃  
歸家耳。今聞君言。大悲。尋代吾受刑也。二人  
執于感嘆。自此宮成與世。盟親友。一時應和  
二年。其像今在菩提寺。俗曰。穴穠寺。

春嶽有攝國法師。赴加州。莊莊。無一舍家  
婦憐。圓。療極具。不勞問。今夜。主。來。臨。見。沙



門而喜命婦厚遇婦告已歸之家主謝婦曰  
見家主而禿丁也中夜沐浴入齋宇修懺已  
誦法華追曉竟今朝語國曰我本比丘名  
寂倦戒法而退是有事於然生死可怖猶  
修懺生平不懈昨夜吾今亦死期不  
矣願暫止證我徒焉國不忍去同寂三七日  
修六時懺誦法華過三七已寂語國曰今夜  
往西方沐浴更衣手執香爐誦法華向西端  
坐而滅其夜隣里人人皆夢寂坐蓮華紫

雲致樂昇空而去國歸本山說此事康保年  
中也

沙彌乘蓮者豫州刺史高明順之子也仕永  
延帝從吏部郎中出任執前太守秩滿歸京  
除歸隱為在家沙彌俗前髮不食葷有  
於居宅側構佛宇在南北碩德創長日講論  
者八年矣道俗雲集請歎伏席又自少年讀  
法華持弥陀太咒暮年嬰病卧聽長講臨終  
尚聽講唱弥陀而氣絕人夢坐華臺凌雲霞



而昇

六地藏現形今彼蘇

周州玉祖神宮司惟高者累世神官也而歸心佛來唱地藏號長德四年四月寢病過六日俄爾氣絕忽赴曠野迷而不知路於時六沙門儀相嚴好徐徐而來一人持香爐一人合掌一人持寶珠一人持錫杖一人持華鬘一人持念珠其中執爐人告曰汝知我等不惟高啓曰不知曰我等六地藏也爲救六趣衆生現六種身汝雖平盛久歸我也是以令

汝還本土汝必造我像致恭敬我居其在南方言已如夢覺而蘇已經三日也便搦一字刻地藏六像瞻禮供養見聞無不隨喜年七十餘唱地藏號向西而化

藤井久任者備中州吉備津宮神官也平居事祭杓業漁釣寬治四年二月制錢法名戒寂專念彌陀謝絕妻子而不忌酒歲八月往大祝賀陽貞政謂曰我欲啗餅故來也貞政盛具腥羶寂食已曰我近燒身謁君無旨貞



政爲戲也乃於撫阿紳崇津崗積薪於地上  
至期妻子親族盡來集寂以家貲分付妻子  
曰汝等早歸故居又莫悲總日午時白衆僧  
曰爲我修懺懺了入薪中自放火煙靄裏念  
佛聲不亂年六十餘後三日貞政聞之曰我  
繫祭法忌喪事而追其尤甚不顧祀式遂往  
薪所更唱曰北邙之煙繞魂遺煙西方之月  
願承餘光慟哭而歸

○親衛校尉野敦末者宋世傑御敦末好佛事

不憚財造堂像又經論文懺念佛三昧永長  
二年閏正月染疾至十五日薨于孫曰汝等  
莫相近也乃向佛像跪坐而時一光從西南  
隅飛來射胸間人怪之見尸外無日影時陰  
雲而已入夜合掌而氣絕後數日光明照爾  
之衣其處作金色遂不改見者嘆美頂戴  
泰武元者家世傑御以亂事仁和寺沙門爲  
童役其師入高野山一百日修淨業平旦  
剎開伽水一日不覺及託其父授業業畢



太上三師性好田獵一旦棄所好歸佛乘上  
皇幸高麗武元陪所崇夜夢高僧担身垢爲  
先授車元武元展手受之曰師爲誰乎答曰  
我是弘法大師也昔日汝給開伽水其意勤  
篤以故我佛出世竟後手中有二顆玉武元  
不堪感激上呈還都則奏此事雖疑修道士  
建堂宇安丈六阿彌陀像朝旦禮供兼設講  
席承德二年八月嬰小恙歸終斥妻子伴比  
丘跏趺念佛超寂

○興福寺莊嚴院實覺法師有僕童及壯年白  
聖曰我雖賤隸志求佛法願免役專勤修覺  
許諾便薙髮法名願西於興馬寺側結草廬  
而居嘗唱彌陀不持念珠以小豆數升煮淨  
器充數誓曰以一千斛爲期經十數年或問  
曰汝唱幾斛乎答曰已過七百石大承元年  
七月朔有小病至十五日求沐浴諸子拒曰  
老病日久豈容浴乎由曰我今日赴淨刹此  
身垢穢故求浴耳諸子聞之不逆具湯沐浴



了著淨紙服端坐語諸子曰我死後三日不得葬歟三日不壞應知生安養言已向西結定印如寢而寂三日後身不傾印不解又無臭氣第四日諸子以太桶盛屍置宅後閑地十餘日高野山沙門四人來曰我等因夢事來願見其屍諸子思爛壞不欲開之四僧曰我等不遠數百里而來縱雖敗壞豈嫌惡乎之益切諸子不得已而執桶蓋見之身體不變儀相如生驢段長寸餘四比丘拜禮而去

年七十五

源傳者攝州渡邊郡人也家世月島自少年慕佛法而藏信士之儀故人不<sub>レ</sub>知有淨業暮年患風痺飲食已絕臨終時謂妻子曰我壯歲以來有親友沙門授<sub>レ</sub>弘法大師袈裟我今頻死欲救之則出衣者之又曰往年一比丘教曰南無一心敬禮西方極樂教主三十六萬億一十一萬九千五百同名阿彌陀佛如是唱讚汝罪早滅即生淨界我傳衣受那以



來至今三十年每日一千遍內心稱念不令  
人知今已時至始露此事言已向西安祥而  
逝年六十長原三年也

清信優者累代名儒也當世學者多出其門  
少壯奉三寶學於大原山寺每日供十一僧  
者十年矣一日不缺又令十一僧書經法  
花經三十部又寫法華二千五百部置名山  
大寺備講讀流傳也自讀法華三千餘部令  
人轉讀三十萬部安元年十月二日卒年

文士之秀者

六十九時然唱彌陀聲漸消氣乃絕奇希備  
室經數日喪北山收斂之間其體不竭

江親通者文士之秀者也亦能草書少家產  
恬淡自守居塵中談佛乘嘗曰娑羅花凋謝  
檀新盛以來歲重千祀境隔萬里當此時纔  
得舍利豈非見如來乎以故起堅誓求舍利  
經書之中言涉舍利所有文句皆悉集之又  
入竺支那及日域舍利靈感莫不畢集合三  
十卷名曰跋都抄一日開書函中有六顆珠



光彩炳焉大如小豆持示人人不知然歷年  
異或見曰佛舍利也欲知虛實乃安信前  
香花漸經日月其數增多光色益鮮親通知  
不虛加信敬有求者與之而數不下六粒隨  
取隨生疊疊如線其珠神奇變化弥父弥父  
時茅黃門女為尼梵行清修保安年中室中  
壇上舍利出現屋感其供養之盛海人曰  
早令親通流傳感現光問人無知者普訪四  
來尼自來江家語京車使以舍利付北道

通勒四東作三天王寺將迎文像安舍利像  
中蓋擬真身也聞見隨喜瞻仰某年出宋淨  
戒新進仁平元年十月十五日辛巳日紫雲  
垂屋

西百士  
始此

沙彌西音者元帝帝之西面也帝好武召勇  
士置官中西偏備宿衛西面之名始於此永  
父之季帝狩開州自此聖後傳修淨素除  
日僧人與一賊書曰來朝元皇于敬此札來  
我聞從來子報曰極樂世界彌陀佛宣相自



在荏苒石梁處。有引也。便延使者。到膳廚。每  
歲如是。常謂人曰。世言元日多忌。辭其語必  
中。我每年元朝。水師施。詔旨于今。多死何乎。  
晚歲言。遂而逝。

壬辰門。與州人累代。控結。駁身。頗大。以爲左。  
騎射。敗。以。爲。有。以。門。生。能。爲。門。所。知。  
語曰。人身難得。易失。三途難。出。易入。子。盡。捨。  
放。逆。惟。淨。業。耶。良。門。乃。止。我。生。改。邪。事。以。金。  
泥。書。法。華。又。造。佛。像。獨。言。供。養。又。發。大。誓。曰。

我生前。金書妙經。千部。乃口絕。羶。室。歷。數。十。  
年。竟。泥。經。此。間。時。時。奇。瑞。屢。現。或。鮮。白。蓮。華。  
散。經。堂。庭。天。樂。響。經。堂。內。或。天。童子。捧。花。而。  
來。倏。忽。便。散。雲。命。盤。如。鈴。而。鳴。或。護。廿。四。王。  
合。掌。出。現。臨。終。時。洗。手。歎。口。告。左。右。曰。天。女。  
數。千。作。妓。樂。來。雲。而。至。我。伴。似。昇。兜。率。天。言。  
訖。而。逝。

依法華

功德生後天生說中

沙彌。修。長。州。阿。武。郡。人。其。家。素。富。殺。生。放。  
縱。臨。老。病。索。是。命。故。其。比丘。讀。法。華。既。而。死。



諸僧皆去一比丘為修禪對屍讀經至第八  
卷覺蘇息合掌曰惡鬼驅我而去君誦經  
之聲猶在我耳時天童來曰聞法信人不可  
追去早還人間令早辦業是以而獲即覺道  
意除穢其間後持法花一心精進臨終會比  
丘讀經又自讀而逝傍僧夢覺咸儀座序告  
諸沙門曰依妙法力生兜率天

元亨釋書卷第十七

元亨釋書卷第十八

濟北沙門 師鍊 撰

願離十之三

尼女四

善信

法明

都藍

皇后光明子

舍利

如意

如藏

皇后歡子

高敦達妻

麻敦光女



藤經實妻

釋妙

願西

妙法

藤兼澄女

神仙五

皇太神宮

白山明神

丹生明神

新羅明神

天滿大自在天神

法道

父米

陽勝

窺仙

都良香

藤太主

生馬仙

法空

尼女四

以色事人者已矣而愛別置色事佛者愛絕而道美今之撰述者其於此乎或曰尼亦具解脫服何其下邪予曰史傳以類而聚上之諸科皆爾也不必以先後為尊鄙又茲書之製也只以男女之別觀於是焉  
善信尼司馬進等之女也敏達十三年十月



從慧使出家同伴二女共薙髮一禪藏梁人  
夜善之女二一善錦織壺之女大臣蘓馬子  
營精舍迎三尼供養用明二年信白馬子曰  
出家之人以戒為地願赴百濟受戒學崇峻  
元年馬子付信百濟使求法發遣三年春信  
某三尼自百濟歸住櫻井寺

贊曰東漢阿潘只受三歸而為僧且尼之始  
至劉宋鐵索羅自師子國來慧果尼初全戒  
相焉信某為本朝之阿潘羯磨過之學師子

之鐵索跨越慣之以姓未之妻亦流烈之志  
又不止劉穎之所記而已漢列女傳穎氏又漢續列女傳是  
時俗也信者出世之女也故云云

法明尼百濟人永明二年內臣鍾子連寢病  
百方不瘥明奏曰維摩詰經因問疾說大法  
試為鐫于連讀之帝詔讀之未終卷病即愈  
王臣大悅

贊曰東晉有尼道聲說維摩經聽者如市然  
者尼之有講者尚矣而明一讀未畢沉病早  
差其為効豈不愈哉爾後淡海公於相模場



創維摩會移興福寺于今轉盛豈明之餘烈乎

都藍尼者和州人也精修佛法兼學仙術居吉野山鹿世傳金華山者黃金之地金剛藏丰菩薩護之不容婦人涉竟藍言而曰我雖女身淨戒靈感豈凡婦之比哉乃登金峰忽雷電晦暝迷不知路弃所持杖其杖自殞漸成大樹藍又咒龍乘之昇山繞到泉源不能進藍唱踏崑崙皆盡崩裂其秦龍之池在焉

建福寺

下二跡今尚存世言得長生之道不知所終

天平應真皇太后光明子者淡海公第二女也聖武帝儲貳時納為妃天平元年八月冊為皇后體兒姝麗似有光耀故名焉生孝謙帝及皇太子而太子夭薨六年正月薦先妣橘氏於興福寺建西金堂安釋迦十弟子等像莊麗妙絕聖武帝造國分寺東大寺皆后之勸發也又置悲田施藥二院恤天下饑恙及東大寺成后以謂太像大殿皆已備足帝



勗于外我營于內勝功鉅德不可加也且有  
託意一夕閤裏空中有聲曰后其誇也妙觸  
宣明浴室辭其功不可言而已后恠喜乃  
建溫室令貴賤取浴后又誓曰我親去千人  
垢君臣懾之后壯志不可沮也既而竟九百  
九十九人最後有一人徧體疥癩臭氣充室  
后難去垢又自思而言今滿千數豈避之哉  
忍而揩背病人言我受惡病患此瘡者以適  
有良醫教曰使人吸膿必得除愈而世上無

深悲者故我沉痾至于此今后行無遮悲濟  
又孔貴之願后有意外不得已吸痰吐膿  
自頂至踵皆遍后語病人曰我吮汝瘡慎勿  
語人于時病人放太光明告曰后去阿閼鞞  
垢又慎勿語人后驚而視之妙相端嚴光起  
遍都忽然不見后驚甚無量就其地摧仰藍  
髻阿閼鞞字二年受尊号四年六月崩年  
六十

贊曰或言光明后去千垢可謂光前絕後乎



余曰設淫室者可也去垢者不可也曰若不  
去垢爭威阿閼佛乎曰阿閼者生干堅誠也  
苟有堅誠造次顛沛皆見阿閼何必區區去  
垢吸膿始為得乎又失君君臣臣夫夫婦婦  
人倫之大常也我米明子婦德除教奉佛崇  
法古來寡德也然去垢之者失常也矣曰然  
則后者可舍諸曰柳下惠者百世之師也然  
其德可學其迹或有不可學焉我謂光明子  
者婦人之柳下也後世婦女善學之乎

卯生

舍利尼者肥之後州八代郡人也勝寶三年  
十一月十五日其母生一肉團猶如明月夫  
妻共懼盛箱捨山谷七日後往見之若卵破  
中有女子父母大悅叔育里閭聞之歎未曾  
有覃八月身俄壯大長三尺五寸顏貞端正  
而無女根纒尿道在焉具自然智言詞巧妙  
七歲誦法華華嚴二經出家成比丘尼勤行  
精進晝夜誦經其音清雅聽者忘倦世人皆  
言聖者肥前州佐賀氏設安居會請大安寺



戒明講華嚴舍利日日預聽一日明呵曰居士何預廣衆耶荅曰佛慈平等廣度群生法界一相寧別男女僮抱小疑久陪大德適承顧問欣幸無量便誦華嚴偈廣設問難明蹟荅釋時講筵諸德聞之驚歎各出深義試問舍利舍利一一分析無礙道俗尊重号舍利菩薩肥後州國分寺沙門并豐刈宇佐神宮寺僧二人誹謗舍利時空中垂長臂不見身抓裂二比丘頭面二人不幾俱死云

如意尼者天長帝之次妃也丹州余佐鄉人居無常處相羊山水之間十歲入王都常詣如意輪觀自在菩薩靈場或衆人闐咽未有見妃面者弘仁十三年帝在儲宮春初得靈夢遣華使於頂法寺物色而得妃妃入宮儀容端麗婦德柔順帝敬愛焉性慈仁盤撒肉味好行檀施不沐浴體無垢天香自然不用薰染持如意輪咒爲日課帝又奉如意輪像一時帝修如意輪法期七日願見其身第六



夜夢天童子白言陛下欲見大悲真身第四  
妃即是也弟四妃覺後益加敬重妃雖重寵  
榮志在山林適一十日修如意輪供第七後  
夜持誦時閉目恍然空中有妙音告曰攝州  
有寶山号如意輪摩尼峰昔神力皇居征新  
羅而還埋如意珠及金甲冑弓箭寶劍衣服  
等故亦曰武庫汝蓋彼妃聞言開目端立  
天女乘白龍擁白雲向西南飛去妃怪喜焉  
蓋天女者太辨才夫也白龍變石像今猶在

此地又是役小角之舊趾也天長五年二月  
十八日夜妃以夢事共宮女二人潛出宮赴  
攝州金吾校尉橘親守為後從到南河畔欲  
乘舟舟人看妃嬌莊懽懽恐不勝無欲逃去  
而舟不動不得已而載之明日著攝州南宮  
浦妃下舟詣南宮神祠神啓殿戶與妃晤語  
而二女得見餘不知此日又詣廣田神祠神  
又開戶宛如南宮次日入山山西北有池池  
中出五色光池邊皆白石似玉摩尼山前有



右青龍  
右白虎  
前朱雀  
後玄武  
是四神  
相應也

小峯遙木城於此進而登摩尼峯紫雲來覆  
有一美女來曰此山曰究竟摩尼靈場四神  
相應之勝區也我藏珍寶於此地每日禺中  
我降此地宜立道場言已如下山而不見是  
廣申神之化現也妃大喜營構梵宇合郡官  
吏及富民等不期自來傾財勦力三十三日  
而落成妃及二女於是精修誦如意輪陀羅  
尼晝夜無間山西一峯有大鷲鳥黑雲常覆  
峯時時出巖一時炎燄飛來過雲王妃以香

水灑之其火自退又黑雲中異神降來其體  
八面臂甚可怖畏欲毀道場於時妃身心不  
動漸供化之妃出宮後帝尋之不得便救尚  
書右丞真王嚴加搜索入山宣帝緒妃語真  
王曰妾自侍官掖風志山野幸逢素情豈駕  
歸車又帝頃歸如意輪尊妾亦此地修此法  
不多乖素情乎真王還宮奏上潛然妃在宮  
時恩寵無比雖迷於此存賜存問諸后妃懷  
妬忌謀燒山房上知此事救真王伴燒山下



茆屋諸妃遙見煙以爲焚真房妬心乃止  
其燒地俗曰燒寺此歲十一月妃請空海僧  
都入山一七日修如意輪法第三之夜月輪  
徑三尺乘紫雲入場壇六年正月妃入壇  
頂七年二月十八日受秘密薩頂三月十八  
日妃欲造如意輪像山行相木至山頂有大  
櫻樹放光妃喜恠交集即赴海闌梨到木所  
海就櫻所持誦中夜地大震須臾櫻木移山  
南海即其地刻像取妃身量爲準凡經日三

十而加三其間日夜妃持如意輪咒未曾暫  
斷禮拜又日夜各三千已而像成海刻像時  
以偈讚曰敬禮救世如意輪理智不二微妙  
體不捨慈悲諸衆生三世有情同利濟千時  
像模顯顯妃一日語海曰此山西峰有一鬼  
号產亂神前八石常作法障爲之如何海曰  
東谷有大石就上供神無事也妃從教爾後  
神不爲障也妃又問曰常住佛法守護為何  
天海曰木辨才天女是也妃即受天女法像



之第七夜天女率十五童童子降臨時前參  
俄起黑雲三障尋神現雲中妃又設祭供神  
乃隱是摩尼山前大蛾也其後海師儼如意  
寶珠法辨才天女又降居西北大石上誓曰  
我住此山爲一切貧乏衆生施財寶八年十  
月十八日妃屈海師落慶大殿海唱偈曰奉  
有摩尼如意寶大聖無刹諸衆生普雨一切  
珍財具入此地若得此摩尼又合掌曰自性  
阿字不二門中有大寶名如意善獻大悲善

薩前歡喜納受施一切此日妃自截髮束爲  
三分一獻大悲像一奉宮中一施海師就海  
剃落受具戒法誨如慈二女同時薙染一曰  
如一二曰如圓三尼爾來持誦益勤故号此  
所名神咒寺祇和二年正月帝幸山中如意  
對御演說皇情大悅帝從甚盛太中大夫和  
真綱在焉如一如真綱之女也出宮後未相  
見到此父子始遇悲喜交合云三月二十日  
五更時如意向南方跏趺坐誦如意輪咒合堂



而化年三十三妃嘗蓄一篋人不得見裏面  
世曰天長元年太皇太后敏空海後先相競法  
霄海得妃篋修秘奧以故兩澤洽天下妃之  
同閭有水沍浦嶋子者先妃數百年久棲仙  
鄉所謂蓬萊者也天長二年還故里浦嶋子  
曰妃所持篋曰紫雲篋篋刻櫻像時妃藏篋  
像中

論曰或言浦嶋子稱妃篋名夫妃篋恐非神  
仙之器乃是密乘之秘蹟也故弘法大師得

此能降伏其之早而浦嶋子只是蓬萊之一  
賓取何容易而知之乎予曰梁僧傳曰東宋  
者世号麻衣道士後一道人嘗投海篋今諸  
一小兒將去倏忽之間至一山上屋中有三  
道人相見共語小兒不解屋中人作書并小  
兒與麻衣小兒還後令問所經見曰道人令  
我捉杖飄然而失或聞是下波浪耳并篋  
書事令開者都不解乃令小兒送書與宋宗  
宗披書大驚曰汝那得蓬萊道人書耶由是



而言猶須又有比丘其諸弟子縱不棄離中

將門第三

如也依地我善信救護生

而知其名不爲過而已  
如藏尼者平將門第三之女也有姿色清淨  
通曉女不許也及將門伏誅遁走到與州共  
元薄世情於一日寺傍縛柴寡居一日思  
氣絕至炎宮庭上繫無數罪人時小比丘詩  
錫臣諸冥使皆避席曰地藏菩薩又來出女  
聞地藏名趨向啓曰大士救我菩薩即將安  
赴所告曰此女堅信之夫人也雖受女形

不爲欲事此度歸本土不可毀此也炎主曰  
謹受命菩薩便送女出門又告曰汝受持我  
言否女曰大慈憐我豈有違戾菩薩唱曰人  
身難受佛教難遵一心精進不惜身命女聞  
已蘇息便屈沙門出家法名如藏專心持地  
藏号世稱地藏尼年八十餘端坐而滅

皇太后歡于者太師藤教通第三之女永承  
帝之皇后也年十四就兄順國法師讀法華  
等諸經自爾以法華爲日課十六選入宮永



承七年立爲皇妃治曆四年四月冊爲皇后  
其夜帝夢因是同心佛乘益盛塵寰日讀法  
華等諸大乘經於離宮書殿勝王經一日  
暴雨俄起雷入殿中后雖恐悚手不釋筆瞑  
目危坐雷上而後開眼見經白紙皆燒只餘  
墨字衣服雖在身無損壞永徽元年薨後以  
白纈座主良真爲祔師乃隱小野離宮後改  
官爲常壽院延慶唯法師聞其言止觀又親  
寫五部大乘經一夕夢比丘等香爐來告曰

往生淨業造大佛像爲寂覺而怪喜便作文  
六彌陀佛像康和四年八月十八日作五色  
幡繫像臂右手執龍左手把爐向西跏趺奄  
然而崩年八十二此夜慶唯夢無量聖衆乘  
雲來集傍人語曰小野太后今往安養翌早  
馳詣壽院而問之侍人曰今宵太后入寢  
野州刺史高敏遠之妻藤氏者讀州太守行  
家之女也性柔和有姊德歲覃二十歸佛乘  
讀法華造彌陀像乃立誓曰願先知死期一



夕夢沙門與一串青珠曰是汝命數也藤氏  
夢中算珠有四十五顆天永二年年四十六  
謂人曰我已盡串珠豈過今歲哉我聞太后  
歡子造天六佛像得生安養妾甚慕之即作  
丈六無量壽像七月一日沐浴淨衣對像而  
逝奇雲覆天異香滿地雖行人染其薰云  
女藤氏者吏部侍郎敦光之女也九歲讀大  
乘經若干卷至齋日絕肉味雖戲劇不妄語  
珍玩好具人或求之必與之漸長尚坐卧父

母傍每聞聘禮堅拒不納父母語曰汝是女  
人身已長成何相隨如小兒而不欲他之乎  
荅曰我在父母傍以十八為期豈久乎父母  
問曰何期十八哉女笑而不言常願詣精舍  
日課經咒妙法華等皆悉誦之大治五年有  
心腹病自焦野歸所患除愈時年十八明年  
秋舊病亦發至仲冬求出家父母不許只受  
禁戒近屬竊懇請延醫使披袈裟念佛而逝  
歷數日容身不變身甚輕



特進懸經實事者後同贈太師藤實季女也  
未加笄時早慕其來年二十餘忽嬰重病母  
氏告曰爲除病延命造七佛藥師像六地藏像母氏  
吾病不起願以七藥師像六地藏像母氏  
泣而隨之即屈尊山靜美鳴磬啓白時紫雲  
垂窻奇香盈室令掌向西念佛而殂笄師袈  
裟薰氣不滅箒以其衣藏篋等爲臨終服尋  
常不披云

釋妙尼者春桓法師之母也除粧飾後堅持

戒律汗手不執瓶足不踰西大小便利皆  
避西方未嘗無衣而出佛前讀法華唱彌陀  
常念木佛語曰我是彌陀護念汝正曆三年  
端居而滅讀法華三千餘部

源信之姊

願西尼者源信法師之姊也蕞染以來精持  
禁戒讀法華粗解深義衣僅蔽身食可接氣  
所受施利普與孤獨常見普賢菩薩降室又  
得觀自在摩頂山鳥野狐常來捧果供寬弘  
年中入寂讀法華數萬部



讀誦法華  
之時不  
開結二  
不見佛  
後加二  
不截句

妙法尼者都督長史高成重長女也生豪貴  
不事花飾年二十父母告嫁固辭不從明年  
謀奪歸人至期潛斷髮擗帳外父母不能苦  
何或曰豈不聞孝乎答曰妾聞歸三寶者逆  
二親而不為不孝也遂具戒精進無此誦法  
華六萬部又修密法每日閉伽水必自掬臨  
終唱彌陀而終異香薰人衣年八十一  
加州刺史張乘澄女性聰明持法華一時受  
疾而殂經一宵而蘇曰冥使四五輩驅我而

去到一大寺堂門戶虛聖衆來往吾乃思念  
極樂世界乎堯乎天上乎不然無是等嚴飾  
時一僧曰彼善女人爭早到此法華功未充  
運年未來耳我見一堂置數千部妙經僧曰  
是汝頃者所轉也由是善力富生是處我聞  
之心生歡喜又見高廣之宇金色大佛光明  
熾然以袈裟覆之瑤妙言告曰善女汝持法  
華故令汝見我身聞我聲而不讀無量我  
普賢二經故不令我面見汝還本土加二經



益轉法華我又不藏而法知乎我是釋迦牟尼佛也時二天童子相送出門我乃藉草說此事已病便念爾後加三經讀法華

### 神仙五

陟陽不測曰神驅壽聖又曰仙世教之見焉我佛書明八神十仙漢劉向列仙傳一百四十六人梁劉孝標曰七十四人見經然則神仙之歸我若尚矣此方純教大乘之域雖乘道皆奉佛蓋亦多自出焉故於

伊勢皇太神宮者天照太神之廟也初聖武皇帝欲創東大寺即思念我國家歷代奉神今營佛宇不知戾神意不欲試播宜天平十三年敕行基法師授佛舍利一粒詣勢洲皇太神宮基於內宮南門大杉下縛廬而居期七日持念告上旨第七之夜神殿自開大聲唱曰寶相具如之日輪照却生死之長夜本有常住之月輪燦破煩惱之迷雲我今逢難遭太願如渡得船又受難得寶珠如暗得



炬師其持舍利藏埋飯高鄉以賴那家基捧  
舍利藏彼所反都奏事皇情大悅上又謂朕  
以衍基為廟使恐不協朝儀十一月三日重  
勅特進右僕射楊公肅勢州十五日僕射復  
奏日夜上夢皇太神宮告曰日輪是毗盧遮  
那也帝得此意為帝與言已現日輪相其光  
赫如也帝舉感激以故東大寺太像高一十  
六丈蓋擬毗盧也非分身丈六之量也神宮  
之降迹備太常國史今只載因佛之一事云

贊曰異矣哉神之靈言也乎不學乎毗  
盧遮那經疏曰毗盧遮那此曰日蓋天地之  
間日光皆通我毗盧世尊太覺圓照無所不  
至假借世相取日為名故摩訶毗盧遮那佛  
翻名大日如來也皇太神宮自何得而問  
我聖武帝而答微有乎焉乎不測之不測  
者與

論曰予詣齊州神祠高山環峙清河繞流松  
林森大數十間高百餘尺一鳥不鳴幽



聞爾殿與卦言蓋第焚無雕刻行人屏息  
足入中心已肅如也漸進殿前一覲呵曰此  
神不愛沙門莫近也遠止一大樹下予以銅  
昔牟尼婆伽梵說大集經敕四天王驅十方  
一切鬼神赴會受佛囑護正法今此神本  
太祖也若後世尊便已先世尊百万余歲  
當時不受佛囑我受佛囑而豈嫌此丘乎  
況此方太素醇化之域此神為宗廟焉有之  
耶恐平祝禱而嚇吾徒乎歸後博學神事適

得一書名神宮雜事見聖武帝創東大素  
事則決巫祝之誣妄矣蓋神若嫌沙門豈對  
基公宣言乎又安用夢帝贊毗盧而演秘誡  
哉況此事不出他書出神宮雜事乎巫祝之  
妄無疑矣或曰子排神之忌佛矣子不聞  
乎昔此日域地未成大海沙彌於時神宮  
在天上下見海底有六日如來印文神宮  
怪之下鉞搜印文其鉞滴如露遂散於是庫  
王波旬遙見曰此滴露成地來世必興佛法



我欲壞此乃自天而降神宮逆波旬語曰此地我之有也我忌三寶不敢崇敬願大天莫慮也波旬便還依茲神宮內歸佛乘外拒釋衆蓋信千波旬也殊不知我國佛法繁傳者神宮之內助也今其忌沙門者實波旬也非真乎予聞已長吁信之可欺而神不可欺也愚可誣而智不可誣也子之言皆妖巫之詞耳若夫神託者豈有是等謬妄乎我詳告子矣我按大藏起世阿含等諸經成劫之始太

雨湛至三禪隨藍風鼓之作溼先作諸天宮殿乃至須彌大地其殘餘之水聚爲大海也然則四洲之地一時俱成不有先後別造矣只其增劫海減四洲通塗減劫海溢島渚各區今我國在海中者裁劫之時也而其下地與印度支那諸國同一連屬豈彼銍滴之露始爲地乎是狹智之者託巫而矯言也若實神靈博通睿聖豈不知乎又魔王波旬天眼透徹見欲界猶掌中寧承神宮賣枉悞然不



省乎若以波旬為昧者初見鋒滴已辨佛非  
今盛行而猶不知乎又神宮不欲失信於彼  
旬詐忌比丘者我先言之太集會上已承佛  
救佛與魔何重乎豈固信于魔而求救于佛  
乎若黨魔而戾佛者邪神也非正神也豈  
我大神宮淫祀之謂乎此等之事皆以凡意  
料天事痛乎巫祝矯神而出不經之言也世  
人聞佛書信而實之我當此時不得不解評  
神之言辨詐世之說矣凡曰神宮事者假

天神七代  
地神五代  
我由具

帝教而立言也蓋薄密之者承巫祝矯神  
為之也我欲一一辨析文繁而不敢為  
白山明神者伊弉諾尊也初奉澄法師撰  
前州越知某常望白山曰彼雪嶺必有靈神  
我常登彼乞願應靈龜二年夢天女環珮  
身出紫雲中曰靈威時至登可戾止養老元  
年四月一日澄往白山麓大野隈舊河東河  
野原乃惠心持誦時前所夢天女現身曰此  
地大德之母產穢之所非結界之地此東水



泉吾所遊止也師移彼言已形隱澄到彼  
念契前天女又來曰我雖在天嶺恒遊此林  
此林爲我中宮上護一人下撫萬民太德  
聽日本秋津嶋本是神國也國常正金乃神  
代最初國主也次國狹狹尊次尊神  
泥火瓊尊沙土瓊尊次太戸之道尊  
尊憶根尊次伊半諾尊伊半諾尊謂之天神  
十代吾是伊半諾尊也今号妙理大菩薩此  
神岳白嶺者我主國之時都成也我乃日成

男女之元神也天照太神者我子也天忍穗  
耳尊我孫也其子天津彦彦火瓊瓊杵尊受  
祖天照太神降臨此國始爲地居國三  
十一萬八千五百四十二年生彦火火出見  
尊饗國六十三萬六千八百九十二年生彦  
波瀲武尊斯尊不合尊饗國八十三萬六  
千四十二年名地神五代天皇第一國主  
神武天皇者廣野尊第四子也在位七十  
六歲天皇年四十六始登皇位辛酉之歲也



云云吾具身在彼天嶺太德徃見之言已天  
女乃隱澄乃登白山天嶺絕頂居綠碧池側  
持誦尊法忽九頭龍出池面澄曰是方便現  
體非本地具身持念彌陀頃刻十一面觀自  
在菩薩妙相端嚴光彩赫熾澄稽首禮足白  
言像末衆生願垂救拯于時菩薩搖金冠蹙  
蓮眼而許之拜不畢三妙體已隱澄又渡瓦  
瀾上孤峰值一偉丈夫手握金箭肩橫銀弓  
含笑曰我是妙理大菩薩之輔也名曰小白

山大行事太德當知聖觀自在之變身也言  
已乃隱澄又昇右峯見一奇服老翁神宇閑  
雅語曰我是妙理大菩薩之賜也名曰木已  
貴西刹主也言已又隱自此靈威益顯著也  
澄嘗語人曰妙理菩薩曰我山中一草一木  
無不我眷屬之所居一萬眷屬妙德隆迹十  
萬金剛童子迦吉莊化五萬八千采女堅牢  
女天之變作也

贊曰或言妙理菩薩已言天照太神者我



子也。子今從白山。何？予曰：伊勢神宮朝廷立爲宗廟。白山雖伊美諸尊，顯應在後。我  
又且從朝廷也。然以下不視神，吹唯因五聖之先，致爲排之耳。

○紀州丹生明神者，弘仁七年，空海師遊紀州，求勝地，漸上高野山，岩壑峭崿，林木榛蕪，不知所之。時婦人出來曰：妾者山神也。夙負殺罪，苦處幽隱，思歸其家，未逢其人。今師到此，妾之幸也。此山方數百里，願施師懺罪，乃道。

海至山中平坦所，曰：是福地也。嘗播於此，初唐元和元年八月，海將歸朝，送船之日，手執三鈷杵，祈願曰：齊教入日域，久屬流傳者，願此杵先占靈區，便向本邦擲之。其杵飛入雲中，到此，其杵懸於枝，於是知神女之言不虛也。便奏建金剛峯寺，安寶塔，高一十六丈，爲密乘興繁之勝場。神女者丹生明神也。  
○新羅明神者，天安二年，圓珍師泛舶，自唐歸洋中，忽有老翁現，船僮曰：我是新羅國之神。



也誓請其師教法至慈氏下生語已不見珍  
入京將傳來教經藏尚書省時海上翁來曰  
此所不堪置經書是日域中有一勝地我已  
先相攸師聞官建院宇及此典籍我鎮加護  
又佛法是王法之治具也佛法若衰王法亦  
衰語已形隱珍歸睿山至山王院時山王明  
神現形曰傳來經書宜藏此所新羅明神又  
出曰此地來世必有喧爭不可置也南行數  
里是為勝處珍乃與新羅山王二神及二比

丘到海濱觀國城寺寺僧教行誡寺事既而  
山王迴身奉新羅明神語珍曰我卜居寺之  
北野時百千眷屬候來圍繞唯珍獨見他人  
不知於是有乘輿人儀衛甚多以美饌饗新  
羅教待來賀而後東去人形隱不見問明  
神執事者珍曰新羅曰三辰明神也寺今在  
自此新羅明神威靈益顯

北野天滿木自在天神者菅丞相之靈也昌  
泰四年因左僕射藤原時平之請遷太宰府



都省而靈未死之先自我疏訴天帝故其靈奮激爲風獲天神也天慶四年八月有沙門道賢<sup>トモ</sup>見金峯山金剛藏王菩薩時五色光照金峯山巖白曰此光何祥藏王曰今大政成從天來也須臾之間西方空中千萬人至儀衛偉如也死似王者之郊禮也其衆奇形異兒或如金剛力士或如雷電神夜叉羅刹甚可怖類各持器仗弓矢矛戟大政天與藏王語已而欲歸去願賢曰將此人見我屋

何如藏王許之使賢乘一白鳥行數百里疾如風至一大他地中有大嶋廣百餘里有方壇壇中有蓮華臺上有寶塔塔中安妙法蓮華經塔東西壁懸兩部大曼陀羅其地嚴麗不可言也北有大城城門禁衛甚嚴又多木政天語賢曰我是上人本國當丞相也勿利天帝字我呼日本木政威德天我護肥時悲不動心我主國土一切疾病災難事我欲猶君臣憐人民又思以我生前悲泣之淚



化爲大雨，浸本國爲水。海經八十四年，成土國土爲我住城。然此國普賢龍猛，依傳密教之地也。又應化諸聖，以悲願力，徧名明神，住諸處，覆護衆生。彼諸名神，常駐此國。我又愛重佛教，故不成巨害。但我十六方八千諸眷屬，暴惡鬼神等，隨處興災。我尚難禁，我受神慰，味法樂。故昔日怨懟，少息耳。賢曰：我國人民，俱稱火雷神，尊重神敬，猶如世尊。何有怨乎？大政天曰：國俗以我爲仇，離誰敢尊敬？

又火雷神者，我第三使者，名氣持主者也。非我名也。我亦世時所歷，官位有人居之也。起害意，是苦怨之甚也。而今立一誓，遣本邦上人傳之。普賢流布，若人作我形，稱我名，慙勤尊重我，必擁護。若人聞上人言，信受崇奉，我亦不爲如上之害。賢反金嶺陳上事，藏王曰：我今汝向彼城者，使知世間災難之根本也。又有滿德大語，賢曰：彼大政天十六萬八千眷屬，作毒害者，天下善神不能遮止。延三



八年契苾清貢平布世逢雷震而死者純火  
雷氣毒王之為也亦崇福法隆延曆檀林等  
諸大寺及大內之燒災皆是第三使者之所  
作也如是諸惡神滅法害生帝昌泰帝獨受  
其殃譬如數流之宗海耳乃至暴風疾雨  
癘時行逆寇間起並是彼眷屬惡神之所  
也然金華八幡及我備德天堅執不許故不  
自恣天慶三年七月十六日託右京七條坊  
婢文子欲懷右近馬場其女甚賤不能營構

統祠家傳天曆元年六月七日始移野其  
製猶卑九年三月近州比良神官良種兒年  
七歲託曰我昔任僕射先夢松生我軀而便  
折是以我知上三公又逢聖歲以故我所居  
之地必當生松不幾一夜間數千株松生此  
野於是朝日寺沙門寂珣與右京婢末子勸  
力造靈祠天德二年右丞相藤原輔政規太  
厦自爾靈威日新廿日十一而觀自在靈應  
法道仙人若天竺人也初靈鷲山中有仙苑



五百持明仙修金剛摩尼法皆能得道須臾  
遊十方刹徑還本處神力如是壽無量成道  
利人天道者其一也一時乘紫雲出仙苑經  
支那過百濟入吾日域下播州印南郡泐華  
山其山八谷故爲号也于時溪谷出五色光  
道見爲靈區居焉常誦法華修密觀所持道  
具千手大悲銅像佛舍利寶鉢而巳餘無長  
物一日多聞天王駕雲來詣道曰太仙又接  
此我當擁護正法鎮撫邦國又牛頭天神現

开西峰曰我願仙除災之役道得千手寶鉢  
法天龍鬼神來往奉事常飛鉢受供別人稱  
空鉢仙人生石太神誦經鉢于石上奉供其  
地今尚号空鉢塚在神祠西南大化元年秋  
八月船師藤井載官祖而過道飛鉢乞供暇  
井曰御氣精爽未盡私情鉢便飛去於是乎  
舟中群米隨空飛地猶如鴈陣入山中漂井  
大驚奔到處所悔謝乞饒道笑而諾言已米  
石如前飛歸其米千石無有遺失只其一俵



落南河上自此地軍人及矣俗号米田村  
又曰米田藤井入都奏事孝德皇帝大加  
歎五年五月上不豫詔治邪疾乃宣三僕射  
阿倍倉内召道加護道入宮持念玉體平復  
六宮羅拜止宮十日弘演釋門與吉野臣等  
美因之設無遮會道歸山此年秋於山中建  
太殿安所持觀自在銅像及佛舍利寶鉢  
雉元年九月落成上幸寺始本朝重神興佛  
感道之唱其來天下合然反之二年三月宮

中大藏會三年季冬僧尼官齋請道之論化  
也道居山數十祀一日告衆曰我本棲耆崛  
之仙園也暫來此誘導耳今當歸乃既偈曰  
我化有情來此地留不俾鉢舍利羅一涉斯  
境所求得永出三途見佛隨即放大光飛入  
雲中道多嘗精舍諸州徃徃而在今存者擁  
道遺德

久米仙者相別上郡人入深山學佛法食  
葉服壁為一旦騰空飛過故里會鄉人以此



依妙法華  
得飛行  
無碍身

踏浣衣其脰甚白忽生深心即時墮落漸喫  
煙火復墮哀然鄉黨梨券當其名皆書前  
仙某今舊券之中往往猶有平澤悉然皆於  
高市郡登精舍鑄丈六藥師金像并二菩薩  
像所謂久米寺也後又修仙凌空飛去又有  
木伴仙安曇仙二人與久米相後先兩仙巷  
基今猶在和州

釋陽勝姓紀氏能州人母夢寐自有城元慶  
三年登智山師室因時年十一性聰明一聞

不忘學止觀兼受瑜伽密教誦法華勤密供  
性慈敗蓬裸者脫與衣見飢人讓已食蟻蝨  
蚊虻蝨身飽止常厭喧囂修禪定勇猛精進  
脇不印席後居和州夏入金峯山冬下平田  
寺習仙方初辟穀食菜蔬次去菜食果蔬漸  
止飲食或日食粟一粒衣薜蘿躡雲煙延喜  
元年秋永謝世境所披袈裟掛松枝書曰讓  
與堂原寺延命命見是悲泣尋求山谷無蹤  
跡勝父病頻九死乃歎曰我有多子所愛者



只陽勝而已傳聞得仙若有仙通知我意願  
一見之勝聞此事飛至舍上誦法華父曰誰  
平經音絕似陽勝家人出見不睹其形只聞  
其聲勝白父曰我離父宅永去不哀孝思不  
違故來誦經又曰每月十八燒香散花願待  
我我尋香煙而來誦經說法報罔極矣語已  
經音絕後於金峯山逢東大寺故舊語曰余  
住此山五十余歲行年八十餘我修仙法得  
身自在昇天入地飛行無碍妙法華力得心

自在化世間利有情又於吉野山與練行息  
真遇身生兩翼飛遊空中語曰我身中無血  
肉遍體生奇毛言已過去又熊野山松本嶺  
逢睿山舊友談話而去又有苦行比丘居竺  
石室數日無食而誦法華不輟忽青衣童子  
持白物來與比丘食其味甘美比丘問所由  
童子曰我本睿嶽千光院延濟和尚之童也  
薰練年深得仙近來事陽勝仙此食又是勝  
公所命也童便飛去



贊曰昔姪女誓曰我不跨一角仙頭不出山果然父米見白脰而墜有以矣哉於戲色之毀人也可不慎乎秦皇宮人食芝而得仙遍舂生青軟毛故世云毛女陽勝之奇毛恐是與二人挾吾道而練形非山澤癯者之倫也釋窺仙居宇治山持密咒兼求長生辟穀服餌一旦乘雲而去

都良香者京兆人也文才冠世仕到著作郎管丞相又良香之諸生也管公階爵日加良

香不及怒弃官入山修練不知所終後百餘年或見大峰山窟中顏色不衰云

藤太主源太主二人居和州吉野郊布衣烏帽辟穀而持密咒淨藏法師欲渡吉野河會瀑漲無舟楫第而躊躇時二人飛來曰待我試咒力藤太主持念須臾神人伐太木載藏源君又令神人牽其木著河岸二仙謂藏曰非師爭感我二人哉言已飛去

生馬仙者攝州住吉縣人入河內高安縣東



山住深谷中寬平九年沙門明達持頭陀行至東山絕頂見深谷有草菴下到菴所有優婆塞顏色似黃栗頭戴白帽身著白衣達近問曰爲誰對曰我是生馬仙也便以五瓜與達曰是此地之產也可以充飢達嘗之甘美不可言達曰在此爲何曰吾入山以來未見山脚只求菩提耳達出山傳此事

釋法空野之下列人居法隆寺學顯密教讀法華晝夜各三部後返本邦游歷勝地適至

一洞生五色苔門戶障隔及牀座自然天成又以彩苔悉皆嚴飾空見此心生歡喜入中居止永離塵境乃綴五色苔爲衣服甚軟煖果菰充食鳥獸馴傍十羅刹女現形給使荏苒歲月又不記也有比丘良賢巡禮靈區迷路至洞見空生希有想宿數日見羅刹女端嚴生染心女白空曰是破戒無愧人錯至淨境我當損害身命空曰莫作是說加護送入間女復本形甚可怖畏提賢凌空而飛須臾



至村落投奔而去賢身心喪亡纔有氣息良  
久蘇逢人語此又自悔耻

元亨釋書卷第十八





